



ATASSUT

Steen Lynge

UPA 2016/71

24. 05. 2016

Meeqqat peqqissumik imaqarluartumillu inerikkiartornissaannut, atualernissamut piareer-simanissaannut nalinginnaasumillu perorsarsimassusaannut iluaqutaasussamik nunatsinni meeqqanut suli atualinngitsunut perorsaanikkut inerikkiartuutaasumik ilaqtariit meerar-tallit nuna tamakkerlugu atuinissamut piarerfissaqalernissaat qanoq qulakkeerneqar-sinnaanersoq pillugu apeqquteqaat aallaavigalugu oqallisssiatut siunnersuut.

(Inatsisartunut ilaasortaq Hans Enoksen, Partii Naleraq)

Siullermi ATASSUT sinnerlugu Inatsisartunut ilaasortaq Hans Enoksen qutsavigissavarput apeqquteqaat aallaavingalugu oqallisssiatut siunnersummik saqqummiussaqneranut, tamannalu ima naatsumik ATASSUT-mit oqaaseqarfingissavarput.

ATASSUT-mit siunnersuuteqartoq taama ittumik siunnersuuteqarmat soqutiginartipparput - imannaanngilarmi meeraqarniarneq aammalu ilaqtariittut pilersuiniarluni perorsaaniarluni periarfissat assigiinngitaarsinnaasaqaat sumiiffimmiit sumiiffimmut.

ATASSUT-mit pingaartipparput sukkulluunniit sulinerup imminut akilersinnaajuaannarnissaa, taamaattorli tupinnangitsumik inuit ilaannut assut unamminartarpoq ilungersorluni ilaqtariittut imminut pilersorniarluni allaallu aamma sunngiffimmi peqqinnartunik ineriartuutaasunik sammisassaqarniarnermi aamma ilaqtigut aningaasartuuteqartariaqarneq.

Meeqqanut annerusunut paasilluarsinnaavara sunngiffimmi sammisassaqartitsiniarnermi aningaasartuuteqartariaqartarnerit. Suli atualersimanngitsunut ineriartuutaasinnaasunik sunngiffimmi sammisassaqartitsinerit kommunit nammineq iluini aaqqissuussaakkajuttarmata aammalu inuit namminneq kajumissutsiminnik aallartitarikkajuttarmatigit qulaaniit qanoq sukkut

qanortorlu aaqqissuunneqartarnissaat akuliuffiginiassallutigit ATASSUT-mit
pisusissamisoorsorinngilarput, kommunimmi namminneq iluminni aaqqissuuttarmatigit.

Taamaattorli kommuninut ATASSUT-mit kaammattuitigiinnarsinnaavarput suli annerusumik
peqqinnissaqarfiiut kommuninilu isumaginnitqarfiiut sunngiffimmilu sammisassaqtitsisut immaqa
qanimat suleqatigiinnikkut aqqutissiuussisinnaaneri misissuataarneqarsinnaasut.

Taamatut ATASSUT-mit naatsumik oqaaseqarpugut, neriulluta Inatsisartuni
oqallilluartoqarumaartoq.